

mihi concessisti, concede etiam perficere ut possim, & in  
 die tribulationis talem concede animi constantiam, ut  
 non perturbetur anima mea ab iis qui odio habuerunt me  
 gratis, & ab homine malo atque insidioso, confusionem-  
 que meam quærente, & à lingua dolosa, animaque men-  
 daci libera me, pie Domine. Concede mihi, te rogo, æterne  
 Deus, per viscera misericordie tuæ, portionem æterna hæ-  
 reditatis tuæ in resurrectione prima atque in die parti-  
 cularis iudicij, ubi à compedibus huius ergastuli tuo iussu  
 liberabitur anima mea; tunc equidem securus ero à timo-  
 re atque tremore, in die illa magna atque tremenda, in  
 die illa calamitatis & miserie, quando cali mouendi sunt  
 & terra, & quando æternus Dei filius, Dominus noster  
 Iesus Christus, venturus est cum gloria iudicare viuos &  
 mortuos. Concede mihi, ô Rex gloriæ, ut in omni æterni-  
 tate cum omnibus angelis & archangelis, cum thronis &  
 dominationibus tibi iugiter decantare mihi liceat hoc  
 canticum gloriæ: Laus, honor & gloria illi qui se-  
 det in excelsis per omnes æternitates benedi-  
 ctus, qui que iugiter per cuncta secula regnat.

FINIS.